
Terseiro Relatoriu Fulan Tolu nian ba Fundu Petroleu

Comunikasaun ba Media

Ohin , Autoridade bankaria no Pagamentu Timor Leste fo sai ba dala rua relatoriu fulan tolu nian hosi Fundu Petrolu TL, nebe hatudu numeru asset mak gere iha loron ikus fulan Marco ho montante \$508 milaun kompara ho fulan Dezembro 2005 nebe mak demonstra \$370 milaun.

Relatoriu ne hatudu katak durante fulan tolu ne'e, osan nebe kontribuyente sira selu direktamente ba Fundu liu hosi konta BPA nian iha Federal Reserve Bank, Estados Unidus iha Nova Iorque hamutuk US\$ 136.46 milaun.

Lukru (osan funan) nebe hetan husi investimento fundu hamutuk US\$4.1 millaun, no revaluasaun merkadu hetan negative \$2.6 milliaun durante fulan tolu ne'e. Rendimentu durante fulan tolu nee mak \$1.5 millaun.

Retornu absoluta durante fulan tolu nee hetan positivu 0.35%, ou 0.1 pontu baze bot liu retornu referensia (Indise Merrill Lynch titulus governo Estados Unidus nian tinan 0-5).

Lei Fundu Petroleu nian espesifika katak BPA, hanesan fututo Banku Sentral Timor Leste nian, nudar agente nebe responsabeliza ba gestaun operacional Fundu nian. Impostu hotu-hotu ho *royalties* ne be mak mai husi riku soi petroleu nasaun nia no mos aktividade relasionada sira seluk ezigi atu deposita iha ABP nia conta iha Federal Reserve Bank, Estados Unidus. Ida nee hanesan egigensia transparensia ida nebe signifika katak reseitas petroleu nian sei la liu hosi Reseita Konsolidada, antes tama ba Fundu.

Ministra Planu no Finansas, suporta husi Komite Konsultativu ba Investimentu nian, mak iha knar atu hatur strategia investimentu hotu-hotu ba Fundu. Tuir mandatu, investimentu sei halo iha titulos (obligasi) nebe garante husi governu amerikanu nian. Informasaun detailhada iha Akordo Gestaun nebe asina tiha ona entre Ministra ho ABP iha 12 Outubru 2005. Laiha mudansas ba akordu gestaun durante fulan tolu nee.

Iha relatorio relatoriu ba dala tolu fulan tolu nian ne'e, nebe mak kobre periodu 1 Janeiro too 31 Marsu 2005 inclui;

- Valor fofoun \$370 millaun.
- Reseitas husi empresas sira durante fulan tolu nee hamutuk \$85.8 millaun.
- Reseitas husi Autoridade Designada durante fulan tolu nee \$50.6 millaun.
- Balansu capital iha loron ikus Marso \$508 millaun.
- Valor facial titulu nia portofolio mak \$510.5 milliaun.

Relatoriu fulan tolu nee nian, ho Lei Fundu Petroleu no mos Akordu Gestaun, bele hetan iha situs portal BPA hanesan www.bancocentral.tl no bele husi situs portal transparente Petroleu Timor-Leste nian www.transparency.gov.tl

Karik presiza tan informasaun ruma bele kontaktu:

Venâncio Alves Maria ,
Diretor Executivo Interino,
Departamento Fundo Petrolifero
Autoridade Bankaria no Pagamentu Timor-Leste nian.
Email: venancio.maria@bancocentral.tl
Telephone: +(670) 3313718

5 May 2006